



## Luister na die ritme van die son en die wind en die reën...

Teken in om 'n skakel na blitspos te ontvang

Nuus, berigte en kort kommentaar (uiters 100 woorde) aan produksie@nhk.co.za

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

**Elke gemeenskap het 'n ritme, 'n patroon wat die leefwyse van elkeen wat deel daarvan uitmaak in 'n rigting stuur. 'n Boerderygemeenskap soos dié van Groot Marico se lewens vloeï op die ritme van die son en die wind en die reën.**

Van die begin af toe boeremense hier kom woon het, is daar met groot moeite kanale gegrawe om die Marico-rivier en ander fonteinlopië se water doeltreffend te benut. Die werklikheid van 'n gedeelde kanaal, wat aan elkeen sy regverdige deel moet verskaf, het die samelewing nou verbind. Almal moes saamwerk om die kanale in stand te hou, en almal moes mekaar in ag neem en net vat waarop sy deeltjie geregtig is. Later is daar ook in hierdie rivier 'n suksesvolle besproeiingskema rondom Skuinsdrif aangelê.

Water is lewe. En sonder reën is daar nie water nie. Selfs die eeuoue waterkruie onder die aarde raak nou leeggepomp. Wanneer daar nou die geringste steuring kom in die harmonie van die ritme van son en wind en reën, trek dit soos 'n koue rilling deur die menswees van elke Marico-mens. Van ons kyk op – waarvandaan sal daar vir ons hulp kom? Van ons kyk weg – ek het my manier om te kry wat ek wil hê, al moet ek my broer se water steel!

Ons lewe binne die perke van die natuur wat God aan ons toevertrou het. Die son en wind en reën het nog altyd 'n ritme gehad. Ja, die mensdom het al so swaar geword dat ons nou selfs op hierdie natuurlike ritmes van die natuur 'n negatiewe invloed uitoefen. Maar die natuur het ook sy eie verdedigingsmeganismes wat soos 'n koors die dodelike virusse kan uitbak!

Ons bid vir 'n mooi jaar, ons bid vir 'n jaar waarin die natuur se ritme van son en wind en reën weer voorspelbaar, betroubaar, volhoubaar sal wees. Maar is so iets nog moontlik? Dit voel al meer of ons bid vir wonderwerke. Ons bid dat ons hemelse Vader met krag die omgekrapte natuur weer in lyn moet dwing, die weerpatrone moet vasgryp en stuur soos 'n span wegholperde. Natuurlik kan Hy dit doen. Hy kan enigiets doen, maar sal dit die regte ding wees om te doen? Hoe sal ons reageer? Gaan ons leer? Gaan ons besin oor die onverantwoordelike en selfsugtige wyse waarmee ons die natuur se ritme versteur?

'n Mens kan nie op wonderwerke staatmaak om volhoubaar te boer nie. Ons sal weer goed moet gaan luister na wat oor is van die ritme van die son en die wind en die reën. En ons sal tot ons Vader moet bid om ons oë oop te maak vir die geleenthede en die beperkinge wat Hy in sy wysheid op ons pad bring. Deur al die eeue, moeilike en maklike tye, voorspoed en teenspoed, leer mense op die maklike of die moeilike manier dat God God is en ons maar net mens. Mag ons almal oor die lengte en breedte van ons land met hierdie gesindheid saam voor ons Here kom staan. Eerlik dankbaar vir wat ons steeds het, en nederig afhanklik in ons onvermoë om ons eie lot te bepaal. Ons moet weer leer om in afhanklike hoop te lewe en God die eer te gee wat Hom toekom.

**Ds Stephan Botha, Groot Marico**

**\*\*\* Sondag 20 Oktober is Dankdag vir die Oes / Biddag vir die Gesaaides**

## Lief en leed



Ds Kobus Pienaar

- **Ds Kobus Pienaar** van Gemeente Kruin in Roodepoort is die afgelope week in die hospitaal opgeneem waar vasgestel is dat hy aan 'n spesifieke vorm van epilepsie ly. Dit is gelukkig behandelbaar, en hy het laat weet dat hy na vyf dae se medikasie reeds veel beter voel. Ons bid hom sterkte toe met hierdie nuwe uitdaging.
- **Die volgende predikante verjaar tot 25 Oktober, en word hartlik geluk gewens:**
  - o Donderdag 17 Oktober: Prof JH (Jan) Barkhuizen (emeritus)
  - o Vrydag 18 Oktober: Dr JH (Johan) van Staden (Sionspoort) en ds JBJ (Kiewiet) van Deventer (Joachim Prinsloo/Ruskoppies)
  - o Saterdag 19 Oktober: Ds HN (Hein) Kloppers (Koster/Noordrand)
  - o Maandag 21 Oktober: Di JD (Jan) Grobler (emeritus/Kroonstad) en A (André) Steinmann (Piet Potgieter)
  - o Vrydag 25 Oktober: Ds CG (Chris) Liebenberg (Nieu-Seeland)

## Gemeentes en bediening

- 
- **Bydraes aan die Bybelgenootskap.** Die Bybelgenootskap se finansiële jaar eindig op 31 Oktober. Hiermee net 'n vriendelike versoek aan gemeentes om asseblief u bydraes vir 2019 nou reeds direk by die Bybelgenootskap in te betaal. Die **mikpunt** is steeds **een Bybel per lidmaat**, dit wil sê, **R55 per lidmaat per jaar**. Die eredienskollekte van Hervormingsondag, vanjaar op Sondag 27 Oktober, word per besluit van die AKV ook aan die Bybelgenootskap oorbetaal. Kontak Anne-Marie Malan by [malan@biblesociety.co.za](mailto:malan@biblesociety.co.za) of 011 970 4010 vir navrae oor uitstaande bedrae, bankbesonderhede en die korrekte donateursnommer vir u gemeente. Baie dankie vir u positiewe gesindheid en al die pogings wat aangewend word om te verseker dat God se Woord aan almal beskikbaar gestel word.
  - **Preekgeleenthede in Sabie en Witrivier.** Ds Willem Breytenbach sal aan die einde van die jaar met langverlof weg wees, en die volgende preekbeurt is dan beskikbaar:
    - o Sondag 15 Desember: Sabie 08:00 en Witrivier 18:30 (Kerssangdiens)
    - o Maandag 16 Desember: Sabie 09:00 (Geloftefees)
    - o Sondag 22 Desember: Sabie 08:00 en Witrivier 10:00
    - o Woensdag 25 Desember (Kersdag): Witrivier 07:00 en Sabie 09:00
    - o Sondag 29 Desember: Sabie 08:00 en Witrivier 10:00

Die afstand tussen Sabie en Witrivier is 47 km. Predikante, dosente en teologiestudente wat in Sabie, Graskop, Hazyview of Witrivier vakansie hou, kan die gemeente kontak sodat verdere reëlings getref kan word. Preekbeurt plus vervoer vanaf vakansieverblyf sal vergoed word volgens vasgestelde tariewe.

Navrae: [nhsabie@telkomsa.net](mailto:nhsabie@telkomsa.net) of [willembb@telkomsa.net](mailto:willembb@telkomsa.net)  
013 764 1813 Maandae, Woensdae en Vrydae 08:00-13:00

## Vergaderings

- Donderdag 17 Oktober: Rata Bestuur Werkwinkel  
Raad (Bestuurskomitee) vir SENTIK  
ADV Dagbestuur
- Dinsdag 22 Oktober: Beleggingskomitee
- Donderdag 24 Oktober: Redaksie van *Die Hervormer*

## 'n Gedig

### 'n Gedig vir die gesaaides

my oog is 'n spieël  
tussen diere wat vrek  
en ek flits  
vir die Heer  
oor die reën  
maar ek hoor  
in die lug  
met die kraanvoël  
se roep  
en die hees geskree  
van die hadida:  
jy ken my net  
as jy gunste vra

**Dolf van Niekerk**

(Uit: *Karrosange*, 1975)

## Kerklike publikasies

- SENTIK stuur elke Donderdag 'n **lokflits** aan predikante, gemeentes en ander intekenaars wat voorheen die weeklikse *Blitspos* ontvang het. Die lokflits bevat **skakels** na *Blitspos* en nuwe artikels en meningstukke wat op die Kerk se webblad [www.nhka.org](http://www.nhka.org) geplaas is. Indien u die lokflits sporadies of glad nie ontvang nie, kan u 'n e-pos stuur na [karen@nhk.co.za](mailto:karen@nhk.co.za). Klik [hier](#) vir vorige uitgawes van *Blitspos*.
- In *Die Christelike Vrou* van Oktober 2019 vertel ds Hannelie Botha vir ons meer oor die enigmatiese Kaapse waterblommetjie. In die lig van Onderwysersdag op 5 Oktober gee Marina Kok ons 'n blik op wat die boek *Spreuke* te sê het óór en vir jongmense, en Daleen Gouws deel inligting oor staatspensioene. Ons kry heerlike lagterapie saam met Hettie Smith en ons word weggevoer deur dr Elritia le Roux op die NHSV Middelburg se sprokiesaan. Volg die skakel <https://nhsv.org.za/publikasies/>.
- Die publikasie *So glo ons* (2012) bevat die belydenisskrifte (Heidelbergse Kategismus; Nederlandse Geloofsbelydenis; en die Dordtse Leerreëls) en die ekumeniese simbole (Apostoliese Geloofsbelydenis; Geloofsbelydenis van Nicea; en die Geloofsbelydenis genoem na Athanasius). Bestel die boekies teen **R60 elk** (posgeld uitgesluit) van mev Sarie Roux, by [sentik@nhk.co.za](mailto:sentik@nhk.co.za) of 012 322 8885 x3025.
- *Bybelse Dagboek / Almanak 2020*  
R185 (versending uitgesluit)  
Kry belangrike inligting oor die Hervormde Kerk én 'n inspirerende Bybelse dagboek in een omslag  
Bestel nou by [sentik@nhk.co.za](mailto:sentik@nhk.co.za)
- *Bybelse Dagboek / Almanak 2019*  
Was R180, nou net R100 (versending uitgesluit)  
Bestel by [sentik@nhk.co.za](mailto:sentik@nhk.co.za)
- **Gemeente Turffontein** se resepteboek *Turffies se trefferdisse* is by die Boekwinkel beskikbaar teen **R100 elk** (posgeld uitgesluit). Die boekie, wat vanjaar met hul 90-jaarviering uitgegee is, bevat 133 resepte en 'n hele paar boererate. Bestel van mev Sarie Roux, by [sentik@nhk.co.za](mailto:sentik@nhk.co.za) of 012 322 8885 x3025.

## Barmhartigheid

- **Beurse en lenings vir 2020.** Die **NHSV** beskik oor beurse en lenings vir studente in enige studierigting. Slegs lidmate van die Nederduitsch Hervormde Kerk kwalifiseer vir die toekennings. Aansoekvorms kan afgelaai word van die NHSV webblad [www.nhsv.org.za](http://www.nhsv.org.za). Klik **hier** om die aansoekvorm af te laai. Die sluitingsdatum vir aansoeke is **15 November 2019**.

- **Ons Tuis (Riviera)** het enkel en dubbel **gastekamersuites** beskikbaar vir persone wat naby die hospitale moet wees of selfs waar Oupa en/of Ouma kan tuisgaan as die kinders met verlof is. Die enkelkamersuite sluit ontbyt in teen R350 per nag, en die dubbelkamersuite sluit ontbyt in teen R550 per nag.

- **Machteld Postmus-behuisingskompleks vir bejaardes** in Brooklyn, Pretoria: ruim **drieslaapkamer-woonregwoonstelle** beskikbaar teen R1 164 940 vir afgetredenes. Die wooneenhede is in 'n rustige omgewing naby busroetes en 'n winkelkompleks. Verskeie dienste word op die perseel gelewer, asook sosiale aktiwiteite. Kontak mev Hannelie Fourie by 012 325 1857 x202 vir meer inligting.

- **Machteld Postmus-behuisingskompleks vir bejaardes** in Brooklyn, Pretoria, het 'n **eenslaapkamer-woonregeenheid** beskikbaar by Frans Boshoff vir R366 160. Kontak mev Hannelie Fourie by 012 325 1857 x202 vir meer inligting.

- **Louis Trichardt-behuisingskompleks vir bejaardes** in Danville, Pretoria, bied kamergereie met drie etes per dag teen R4 435 per maand. Vir meer inligting, kontak mev Vicky Muller by 012 386 5310.

- **Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes. 'n Volledige versorgingsfasiliteit sluit in 24 uur versorging, drie maaltye per dag en sekuriteit. Vir meer besonderhede, skakel matrone T Broodryk by 056 811 2185.

- **Seniordal-aftreeoord (blok woonstelle)**

### Lewensreg te koop

2-slaapkamer @ R560 000

1½-slaapkamer @ R520 000

1-slaapkamer @ R515 000

Groot tuine om in te ontspan

Geen versorging

### Daar is nou ook huureenhede beskikbaar

Skakel Ansie Lombard (bestuurder)

012 329 4318 / 084 920 8723



Ons Tuis-gastekamer

## Basaars en markte

- **Gemeente Pretoria-Oos: Kersmark**

**24, 25 en 26 Oktober**

Donderdag 24 – Vrydag 25 Oktober: 09:00-20:00

Saterdag 26 Oktober: 09:00-14:00

Delyweg 100, Waterkloofpark

### Uitstallers welkom

Geskenke, juwele, boeke

Kosstalletjies, teetuin en vele meer

Kontak Chaneen Dippenaar vir aansoekvorms en meer inligting

[kersmark@pretoriaoos.com](mailto:kersmark@pretoriaoos.com) / 012 460 8441

- **Emily Hobhouse-tehuis: Basaar en Kontreifees**  
**Saterdag 26 Oktober 08:00-15:00**  
 Malherbestraat 55, Capital Park  
 Pannekoek, *jaffles* en meer  
 Vars vleis, groente en gebak  
 Hulp nodig met gebak, bestanddele en by tafels  
 Gaskunstenaar Gary Forwood, baie uitstallers  
 Navrae: 012 323 4891
- **Gemeente Silverton: Basaar**  
**Saterdag 2 November vanaf 08:00 en solank voorraad hou**  
 By kerksaal, hv Fakkell- en Presidentstraat, Silverton  
 Vetkoek, pap-en-kaiings, worsbroodjies  
 Pannekoek, nagereg, koek  
 Dansers, vermaak vir oud en jonk en baie meer  
 Staanplek vir stalletjies beskikbaar teen R200  
 Geen kosstalletjies van buite gemeente toegelaat  
 Navrae: Ds Henk Labuschagne 082 375 4321  
 Hannie Knoll 079 603 6555
- **Gemeente Drie Riviere: Kersmark**  
**Saterdag 23 November 09:00-15:00**  
 hv Bashee- en Wilgestraat  
 Geskenke, teetuin, kindervermaak en meer  
 Bespreek 'n stalletjie  
 Kontak ds Hennie Louw 084 508 7849

## **Betaalde advertensies in hierdie nuusbrieff**

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.)** Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per faks na 086 633 4059, of per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. *Blitspos* word normaalweg Woensdae saamgestel en verskyn dan die Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

**Die koste is R250 per plasing (BTW ingesluit). (Let asseblief op die nuwe koste.)** Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

## Gebed vir die week

Here, ek het gehoor wat van U vertel is  
en ek is vervul met ontsag vir wat U gedoen het.  
Doen dit tog ook in ons tyd,  
laat u dade ook in ons tyd ervaar word,  
ontferm U selfs in u toorn.

WANT:

Al sou die vyeboom nie bot nie  
en daar geen druiwe aan die wingerde wees nie,  
al sou die olyfoes misluk  
en die lande geen oes lewer nie,  
al sou daar geen kleinvee in die kampe meer wees nie  
en die beeskrale sonder beeste wees,  
noggans sal ek in die Here jubel,  
sal ek juig in God, my Redder.

Die Here my God gee vir my krag.  
Hy maak my voete soos dié van 'n ribbok,  
op hoë plekke laat Hy my veilig loop.

### **Uit Habakuk 3**

(Die Bybel, Nuwe Vertaling, 1983)